



2282

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

PL	Cazim
175	Belagat
C42C3	
1886	

Cāzim

بلاغت

مؤلفی :

جازم

Belāgat

« ادبیاتسز ملت دلمز انسان قییلنددر . »

[ کال بک ]

برنجی دفعه

معارف عومید نظارت جلیله سنک رخصتیه

قسطنطنیه

۱۳۰۴

مطبعة ابو الضیا

PL  
175  
C42 C3  
1886







## ﴿ قارئین کرامہ ﴾

نشرینہ جسارت الدیغم شو اثر برقاج سنہ اوّل  
یازمش اولدیغم بعض مطالعات اولوب چنگال  
اهمالده اصیلی قالمسینی روا گورمدیگمدن - گرچه  
ناهننگام ایسه ده - طبع ایتدییرهك انظار تنقید گزه  
وضع ایلدم :

فی غره محرم - نه ۱۳۰۴

جازم





## بلاغت

### مدخل

عدليه ناظر لاحق دولتو احمد جودت پاشا  
حضرتلری « بلاغت عثمانیه » نامیله مکتب حقوقده  
ویردکاری درسلرک خلاصه سی برخیلی زمان مقدم  
رساله شکننده موقع استفاده یه وضع بیورمشلر ایدی.  
صکره جریده عسکریه باش محرری عزتلو  
عبدالرحمن ثریا افندیکنک « بلاغت عثمانیه » یه  
اعتراض ایدرک « تعلیقات بلاغت عثمانیه » اسمیله  
برمؤاخذه و بعدد « تحلیل حل » نامیله دیگر برمؤاخذه  
جوابیه تألیف و سابقا مکتب حقوق طلبه سیندن  
جودت پاشا زاده سعادتلو سداد بک افندیکنک « حل  
تعلیقات » اسمیله و اوقاف نظارت جایله سی مجلس  
اداره سی اعضا سیندن سعادتلو حاجی ابراهیم افندیکنک  
« تمیز تعلیقات » نامیله « تعلیقات بلاغت عثمانیه » یه  
قارشو برردیه تصنیف ایتدکاری و سائر بعض اصحاب  
قلم ایسه بویولده برمباحثه یی تصویب ایله فکر  
مخصوصلرینی معانی رساله لر ترتیب ایلدکاری سامعه

رس اطلاع اولدیغندن وعاجزلری اوته دنبرو لسان  
 ترکیک قاعده مخصوصه تحتنه آلهرق انضباط  
 وانتظام پیدا ایلسی آرزوسنده بولندیغندن مذکور  
 رساله لری آلهرق و برقاج دفعه اوقویه رق ذهنده  
 بعض مطالعه لر حاصل ایلدم .

« بلاغت عثمانیه » مؤلفی پاشا حضرتلری عربینک  
 فضیلتی بعدالازبار علما و فضلالی عرب حقننده کی  
 توجه لری اظهاریدیرک لسان عثمانی ( یعنی لسان ترکی ) نک  
 قواعدینه تعلق ایدن مذکور رساله یی تألیف بیور .  
 دقلرینی بیان و بوخصوصده جمله دن اول طوراندقلرینی  
 درمیان ایدیورلر . جوودت پاشا حضرتلرینه لسانمزلک  
 اصلاحی آرزو بیورهرق ، آرزولرینی میدان علانیه  
 قویان مذکور رساله یی ترتیب و تألیف و عبدالرحمن  
 افندی یه « بارقه حقیقت مصادمه افکاردن چیقار »  
 قاعده حکیمه سنه اتباعاً مذکور رساله یی کندولرنجه  
 کورمش اولدقلری خطیأتن طولای موأخذ  
 و تزییف و سداد بک افندی ایله ابراهیم افندی یه  
 و بوبابده خامه ران بحث و مقال اولان سائر ذواته  
 تعلیقاتی و مسئله بلاغتی حل و تمیز مقصدیله معلو .  
 ماتلرینی نشرأ دیگرلرینی تردیف بیوردقلرندن ایچون  
 عاجزانه تشکر و بالاده بیان ایتدیکم مطالعات

← ..... →  
 مخصوصه می بروجہ آتی تحریر ایہ آنلرک دخی  
 یا طرفداران بلاغت و یا حمایتکاران بلاغت نزدلرنده  
 هر حالده شایان مواخذہ اولہ بیله جکئی تفکر ایلرم :







## شانۀ زانف سخندراعتراض

۱

بر اترك مندرجاتی نظر تدقیقندن كچیره دن اوّل  
اسمى گوزه چارپه جغندن جودت پاشا حضر تلىريك  
ترتيب بيوروب تدريس ايتمكده بولنمش اولدقارى  
اترك اسمى اولان « بلاغت عثمانیه » تركيبنى ميران  
معاینه دن كچیره لم :

« بلاغت عثمانیه » دن مراد « عثمانلى بلاغتى »  
ويا دها آچيقجه سى « لسان عثمانيك بلاغتى » ديمك  
ايسه ده اوّلا « لسان عثمانى » ويا « عثمانلى لسانى »  
نامنده بر لسان اولوب اولمديغنى دوشونه لم :

هر امتك بر لسانى اولديغى گي هر دولتك دخى  
بر لسان رسميسى واردر . على الاكثر او دولتى تشكيل  
ايدن امت بر ايسه آنك لسانى ويوق بردن زياده  
ايسه اكثر يتك ، يعنى سائرينه غلبه چالاش اولان  
امتك لسانى ، لسان رسمى اتخاذا قننور .

بوسيله مبني دركه قوميت اساسى اوزرينه تاسيس  
ايتمش حكومتلك لسان رسميسى او امتك لسانيدر :  
فرانسز امتك اجتماعندن حاصل اولان وفرانسز

حکومتک لسان رسمیسى بولسان «فرانسزجه»  
 وایتالیان امتک اجتماعدن حاصل اولان وایتالیا  
 دولتک لسان رسمیسى بولسان «ایتالیانجه» گبی .

قومیت اساسی اوزرینه تشکل ایتماش اولان  
 حکومتلرک لسان رسمیسى ایسه لسبب من الاسباب قبول  
 اولنان لساندر: آمریکا حکومتک قبول ایتمش اولدیغی  
 «انکلیر» لسانی گبی .

فرانسز وایتالیان و سائره اسمنده امتلر اولدیغندن  
 «فرانسزجه» و «ایتالیانجه» نامنده او امتلرک  
 لسانی اولدیغی و او امتلرک اجتماعدن حاصل اولان  
 حکومتلرک دخی لسان رسمیارى مذکور امتلرک لسانی  
 بولندیغی و فقط آمریکا اسمنده برامت اولدیغندن  
 «آمریکا» نامنده بر لسان دخی موجود اولدیغی  
 وینه اوسسیله «آوستریا لسانی، بلچیکا لسانی؛  
 اسویچره لسانی» بولندیغی تفصیلات مشروحه دن  
 مستبان اولمش و عثمانلی دولتک دخی لسان رسمیسى  
 «ترک» اطلاق اولنان امتک لسانی اولان «ترکجه»  
 بولمیشدر . بو حالده عثمانلی امت آدی اولیوب هیئت  
 آدی اولدیغندن «ترک لسانی» نه «عثمانلی لسانی»  
 دیمک جائز اوله ماز .

مادامکه «عثمانلی لسانی» اسمنده بر لسان یوقدره  
 موجود اولیان بر لسانک بلاغتی دخی اوله میه جغندن

وجودی ادعا اولنان « بلاغت عثمانیه » دخی یوقدر!  
اولسه اولسه « بلاغت ترکیه » اوله بیلور .

مؤلف بلاغت و صاحب سلاست و طلاقته  
دخی مقصدلری بو اولمق لازمکله یکی ظننده بولنور  
ایسه کده « بلاغت عثمانیه » دیه رک خطا ایتدکلر یئیده  
انکار ایدد میز .

## ۲

« بلاغت عثمانیه » نك اسمنی میزان معاینه دن  
کچر د کد نصکره محتویاتنه ده برگوز گزديره لم :  
« بلاغت عثمانیه » تلخیصک ترجمه سی و مثاللرینک  
ترجیه دن سچلمه سیدر .

اگر بوکما بونقطه نظر دن بقار ، یعنی بلاغت  
عربییه نك ترجمه یه تطبیقنه قالقار ایسه ک پاشا حضر -  
تلرینک ترتیب ایتدکلری اثر جدا تشکرلره و آلقشله  
دگر .

« بلاغت عثمانیه » یه قارشو مزیتلرینی صورت  
مخصوصه ده تقدیر ایتدیکم ثریا افندی نك قلمه آلدیغی  
« تعلیقات بلاغت عثمانیه » ده در میان ایدی لان  
اعتراضلرک بعضیلری وقتیه له مخالف بلاغت  
عرب اولان بعض عربان فرصت جویان طرفلر ندن  
ایدی لان اعتراضلر و بعضیلری طوغری بدن طوغری یه

بلاغت عربیه تعلق ایدن شـیلردر . حتی اکثریسی  
مشـاهیر ابدان « جر جانینک » اعتراضلریدر که  
عبدالرحمن ثریا افندی جووت پاشا علمبنده اعتراض  
عاجزانه مدر دیه میدان قویار ورنکدن رنکه بویار .  
بونک خاتمه قارشو نه یولده بر معامله و معترضلرینه  
نه گبی بر مقابله اولدیغنی بیاندن اجتناب ایلرز .

ثریا افندی میدان اعتراضه آتیش طوررکن  
برقاج مدافع و برقاج معارض دها چیقارق یکدیگرینه  
حقلی حقسنر اعتراضه ابتدار و بری برینی ذم و قدح  
و تکفیره قدر اجتناسار ایللری تاریخ ادبیاتده تحف  
بروقعه اوله رق ذکر اولنسه بحادر . بویله بوش  
بوشنه اولان اعتراضلردن برشی حاصل و بر نتیجهیه  
واصل اولنمز . ایش بویله گیده جگنه یولی یولنه  
اعتراضلر ایدلمش و حقیقت میدان چیقارلمش اولسه  
هم دها اعلا و هم بویله بر مسئله یی - معترض  
عبدالرحمن افندینک دیدیگی گبی - بازیمجه طفله  
چویر مکدن اولی اولمش اولور ایدی .

هیئات ! بونلر کافی دکلمشده بر بشقه اکلنجه دها  
لازم ایمش . اوده ائک صکره کیمک طرفندن نشر  
اولندیغنی بیلمیمان تزییفنامه درکه : سراپا اکلنجه دن  
عبارت اولوب محتویاتندن بر نتیجه ادبیه چیقاریله ماز .



→ ..... ←

— ۳ —

برشیدن بحث ایدرکن صدودن حقیقگی فناشی  
 اوله ماز . چونکه : هم بحث ایدیلاَن شی تسلسل  
 ایدر وَهم ایش شخصیات و ذمیاتده قالمیوب ایلرویه  
 گیدر . بو ایسه قانون مناظره بیلنمسمندن یا خود  
 بیلنوبده اهمیت ویریه مامسمندن نشأت ایدرکه بوکره  
 دخی واقع وَبالجمله قارئین وَ بعض معترضین بیله  
 صدودن حقیقه رق عبث ایله اشتغال ایدلدیکنه قانع  
 اولمشدر . فصل اولغسونکه یکدیگره « سن چوجقسک  
 نه بیایرسک ! دها طوغری طوغری یه بر عبارت  
 اوقویامزسک » وَ « سن بو بلاغتی کردستانده می اوکرنده  
 زرده اوقودک وَ صکره کیمره اوقوتدک ایسه سویله » گی  
 شیلردن باشلیه رق یکدیگری تکفیره قدر قالمشمشدر .  
 حالبوکه اوچ درت سنه اول آلمانیا می بر ذات فضائل  
 سمات دین مبین محمدی بی تقدیر وَ اسلام اولمق  
 ایچون لازمکلان شیلرک کندوسنه اشعار می ضمنده  
 شیخ الاسلامه بر مکتوب تحریر ایدر : شیخ الاسلام  
 افندی اذکیای علما وَ قدما می فضلا ایله بعدالمزاکره :  
 اسلام اولمق ایچون کسه نک اذن ورخصتنه احتیاج  
 اولمیوب وحدانیت الهیه وَ رسالت حضرت محمدیه بی  
 تصدیق ایله اوله جفی وَ کندوسنک بونی تصدیق ایتمش  
 ایسه اسلام اولمش اولدینی وَ بر دینه سالک اولنلرک

اودينك آداب واركاننى بيلمى فرض اولمىسنىه نظراً  
 كندوسنك دىخى آداب اسلامى تحصيله بىل مقدرت  
 وَاوامر الهيه مطاوعت ايلمى اشعار و برانسانك  
 اسلام اولمى كندويدنده اولوب - خرستياناق -  
 گى سائرينك اذنيه اولمديغى تذكار قلنور .

مادامكه اسلام اولق سائرينك اذنيه اولمور :  
 براسلامى « سن فلان شىئى يابدئ بونى يامق كغردر .  
 بناءً عليه كافرستك » ديه تكفير ايتك نصل جائز  
 اولور ؟ اوائلده اسلامى قبول و بعده نكول ايدنلردن  
 ضميرلرني علناً بيان ايتميان مرتد و منافقلمر بيله  
 « ونحن يحكم بالظاهر » حديث شريفى مدلولانجه  
 برشى دينه مز ايدى . واسلامه اولنان معامله آنلرده  
 اولور ايدى .

اسلام اوله رق طوغوب بيويان كمسه يه علناً  
 كغرى ايجاب ايدن شيلرى ايتدكجه « سن فلان  
 شىئى اختيار ايتديكندن طولاي كافرستك » ديه حكم  
 ايتك كمسه نك وحتى مجتهدينك بيله يد اقتدارلرنده  
 دگلدرد . بوايسه عبارات فرقانيه واحاديث نبويه ايله  
 مشتملدر . بوجلهدن اولان « ولايعتب بعضكم بعضا »  
 آيت جايلهسى و « من قال لا اله الا الله دخل الجنة »  
 حديث شريفى اونوديلوب خطا لر ايدلمسون و

« آفوروزلوق » گبی بر آخلاقسزلوق قبول واختیار اولغسون . [۱]



عبدالرحمن ثریا افندیڭک ایئتدیگی اعتراضاتدن  
بریده بیک ییلق بیلدیکمز « حواس خمسہ » یه  
قاعده « حواس خمس » دئیلمی ایمش . عرب  
بونى « حواس خمس » ديه استعمال ايدر وقواعد  
عربده بونی ایجاب ایلر ایمش . نچون ؟ قواعد عرب  
بونى ایجاب [۲] ایلر ایمش ؛ آنک ایچون !

بونى تدقیق ایتمه دن اول سعادتلو سداد بک  
افندیله سعادتلو ابراهیم افندیڭک ویرمش اولدقلری  
اجوبه لری ذکر ایدم :

### سداد بک جوانی

شارح بوفقره سنی تحشیه ایله : « قاعده نحویه  
گوره حواس خمس دیمک لازمدر » دییور . استملرده  
وصفتلرده تا ادات تانیثدر . فقط اسم عددلر مستثنا

[۱] و « لازمه بانیة فی الاسلام » قول جلیله بالانترام  
مخالفه لله ورسوله طور رهبانیت کوسترلسون [لاطابع]  
[۲] شیطان قولاغند قورشون شمدی بلاغجینک  
بریده بز (ایجاب) لفظنی نهی ایلشایدک نهجسارتله استعمال  
ایدیورسک دیوسد صاحب رسالیه یکی بر معشولیت و طابع  
حقیره ده بشقهجه بروسیله منفعت یوز کوستره جک (منه)

اولوب آنلرک مذکری تایلله و موئنثی تاسزدر و عدد  
معدودک مفردینه تابعدر بناءً علیه « خمسة رجال  
و خمس نسوة » دینیور . شوقاعدهیه نظراً « حواس  
خمس » دینلک لازمگلولر زیرا حواس حاسه نك  
جمعیدر . حالبوکه بین العلماء « حواس خمسة ظاهره  
و حواس خمسة باطنه » عباردلری کثیر الاستعمالدر .  
عجبا غلط مشهورمیدر ؟ خیر ! بوعباردلر قاعده نحوه  
موافقدر . زیرا حاسه مؤنث سماعیدر . ترا کییده  
تأیث و تذکیری جائزدر .

### ابراهیم افندی نك جوانی

مؤلفك ترکیب اره سنده واقع اولان « حواس  
خمس » سوزینه دخی اعتراض ایدوب قاعده نحوه  
موافق دکلدر دیمش . گرچه حواس حاسه نك جمعی  
اولق حسبیلله بوراده اسم عدد تاسز اولق لازمگلولر .  
سده ترکجهده اسماء عدد بوصورتله مستعملدر . اشته  
« بلاد ثلثه » و « جزایر سبعه » و « قطعات خمسة  
ارض » دیرلر « بلاد ثلاث » و « جزایر سبع » و  
« قطعات خمس » دیمزلر . حالبوکه بلاد و جزایر  
و قطعات لفظلرینك مفردلری « بلده » و « جزیره »  
و « قطعه » در . حتی صاحب تعلیقات دخی بوبلده  
معترض اولدیغی خالد تعلیقاتك الی دردنجی صحیفه .  
سند « قضایای سبعه » دیمشدرکه قضایا قضیه نك



جمعیدر . الله اعلم بونك سببی بودرکه « ثلاث و خمس  
و سبع و تسع » مثالو تاسر اولان اسماء اعدادده  
عندالوقف ایکی ساکن اجتماع اتمکله . یعنی « بلاد  
ثلاث و جزایر سبع و قطعات خمس » دیناسه ایکی  
ساکن بریره کلمگله تلفظه ثقلت گلور . بناءً علیه  
اهل لسان بوثقلیدن اجتنابی برقاعده نحوییه رعایه  
ترجیح ایتشاردر .

طرفینک درمیان ایتدکاری ادعالتک هر ایکسی  
دخی یا گمشدر . چونکه هر تقدیر عرب قاعده سنجه  
« حواس خمس » دینک لازم گلورمش سده « حواس  
خمس » دیمیوب « حواس خمس » دیمک لسانمزلک  
حرکه سی مانعدر . زیرا : لسانمزده استعمال اولسان  
اکثر لغتلتک آخرلری مفتوحدر . بواسبابه مبنیدرکه  
السنه اجنبیه دن آلمه اغزده لزوم گورینان لغتله عمومیت  
اوزرینه ایالیانجه دن آلمش و « اوروپ » و « بانق »  
دینمیوب « اوروپا » و « بانقه » دینمشدر .

حتی لسانمز عربیدن آلمان صفتلری مؤنث  
اولدرق استعماله اولقدیر آشمشدرکه موصوف مؤنث  
اولدینی حالده صفتی دخی هزوقت مؤنث استعمال  
ایدرز . موصوف مؤنث اولدینی صورتده بیله بعضاً -  
خطا ایهده ، لسانمزلک حرکه سی آنی ایجاب ایتد -  
یگندن - صفتی مؤنث قوللانمقله « مکتب رشدیّه ،

مکتب فیضیه، طریق علمیه، طریق ملکیه، فتحیه،  
نور عثمانیه دیوب « مکتب رشدی، مکتب فیضی،  
طریق علمی، طریق ماسکی، فتحی، نور عثمانی » دیمیز.  
بوماده ایچون قواعد عثمانیه برشی بوله مدیغندن  
تخصیص دیمش ایسه ده فقط تخصیص فلان اولمدیغی  
میدانده در.

اگر « حواس خمس » دیمکه ترکیب عربی  
اوله حق ایسه قبوله شایان و فقط اولمدیغی نمایاندر.

قاعده عرب اوزره یاپلدیغی ظن اولنان « اراده  
علیه » ترکیبی عربی می اولیور؟ بونک محضا بالاده  
ذکر اولمدیغی گبی لسانمژک حرکه می ایجابندن اولد.  
یعنی آشکار و عجمارک حرکه لسانیه لری عکسنی ایجاب  
ایلدیکندن و لسانلرینه الویر مدیکندن آلدقلری  
بدیدار اولور.

مثال: « معشوقه مرکب از اضداد مختلف »

« باطن مثال آتش ظاهر مثال برف »

کمال الدین، اصفهانی

بالاده کی افادتمیزی ادیب مشهور عطوفتلو کمال  
بك افندی حضرتلرینک وقتیه سويلمش اولدقلری  
= روایت اولنان - شو لطیفه لری تأیید ایدر :

« قالدی پاره صالی یه »

« قالق گیده لم یالی یه »

« . . . ایله . . . »

« خالیة خالیة »

مشار الیه « خالیة خالیة » ترکیبنی عربجه اوله رق قبول ایتیموب بونک اصلی « خالی عن الاهالی » درظن بی-وردرلر ایش برطاقم تحقیقاتدنصکره ترکیب مذکوری عربی اوله رق قبول ایدوب بالاده کی نشیددی سولشلردر .

— ۵ —

ترمعناسنه اولان « عرق » دن آلهرق باشه کییلان سرپوشه « عرقیه » دیمسنه وعر بلرک وبناء عایه ترکلرک بونی بویله استعمال ایتسنه نظراً « عرق » کلمه سنک ترکیب سی اولان ترلفظندن ترکب واستانبول وجوارنده آیاغه کییلان شیئه اطلاق ایدی لان « ترلک » کلمه نی باشه کییلان شی یعنی « عرقیه » مقامنده استعمال ایتسه ک واقعا اصول وقواعد تطبیق حرکت ایش اولور ایسه کده کسه نک آ کلایه میه جنی جهتمله غریب برشیده بولمش اولورز .

کذا آناتولیده « ترلک » لفظی ط-وغری اوله رق باشه کیله جک شیئی تعیین ایتدیگی جهتمله

آناتولیده ( استانبولده بونی بوبله قولانیورلر دیه )  
 آیاغه گیسلان « پاپوش » د ترک دیر و بونک ایله  
 تفهیم مرامه چالیشیر ایسه ک البته یاگلش آکلانه -  
 جغندن تحف برشی ایتمش اولورز .

شو حکایه بی فضائل علمیدلری کندولرینی طانیا .  
 نلرجه مسلم اولان فضیلتلو حیرت افندی روایت  
 ایتدی . موقعه مناسبتی جهتیه ذکرینی تنسیب ایلدک :  
 « آندلی مصطفی آغا استانبولده بر قاق سنه  
 اقامتدنصکرد مسقط رأسی اولان آندیه کیدر . آنده دن  
 طشره ده حقیقتمش اولان برادری صغوق آلب نوله  
 اولور . مصطفی برادرینک نوله سنی صاوشدیر مق  
 ایچون یاتور ایکن صبحاق برشی ایچمه سنی و باشنه  
 بریمی باغمه سنی تنیه ایدر . مومی الیه دخی اوراچه  
 بیلدیگی وهر بار آیاغنه گیدیگی یمنیلردن برینی صاغ  
 و دیگرینی صول قولاغی اوستنه قویهرق باغلار  
 و بونی ظاهر بر او فور یجیاک نونعدن عدایلر .  
 صباحیسی برادرینک بو حالی گورن مصطفی آغا  
 گولمدن کسندینی آلهماز و حریفک کیچه ترلیوبوب  
 نوله سی کچمش اولدیغندن سسنی چیقارماز . »

هر یرک برلسانی و فقط محله گوره اذعانی واردر .  
 بوندن ادبای کرام حصه آلهرق یاپا جقلری اثرلری  
 آکا گوره ترتیب بیورسه لر فنا اولماز ظن ایدرز .



بناءً عليه «عرقیه» به استانبولده تراك ديمك ياكاش  
 وآناتولیده ايسه «پاپوشه» تراك ديمك ياكاش  
 اولور . و بو گي نيجه كله لرك بو صورتله استعمال  
 ايدلمسي نظر انصاف و مطالعه به آنور ايسه - بلاغتده  
 هر يرك استعمالنه باقق لازمكلور . قادينلر يمزك  
 اختيارلري باشلرينه باغلدقلى شيئه «يمنى»  
 ديدكلري گي طلومبه جيلرك، بانجىلرك، رنجبرلرك  
 آياقلىرينه گيدكلري اوچكه سز آياق قابنه دخى «يمنى»  
 ديدكلري و بو جنس آياق قابلىرىنىڭ انواعى اولمىسە  
 نظراً على الاكثر طلومبه جيلرك گيدكلري طرز  
 و بچمده اعمال ايدىلارلار «طلومبه جى يمنيسى»  
 دنيلىكى ودها بو گي بر برينه ضد ايكي ويا اوچ  
 معناده مستعمل پك چوق لغتلىر استعمال ايدلىگي گوز  
 اوگنه گتيريلور ايسه بلاغتده بونلره دخى دقت  
 ايدلك لزومى ظاهر اولور . وهلم جرا  
 عربجه دن آنان كلملر عربجه ده ، فارسيدن آنانلر  
 فرسجه ده هر قنقى معناده قوللانمش ايسه بزده دخى  
 اومعناده قوللانمق هر وقت جائز اوله مامىسە نظراً كذا  
 استعمالك بلاغتده دخى جارى اولدينى آكلاشيلور .  
 مثلاً عربجه ده اقراز معناسى اولان «اذعان»  
 لفظنىك تركجه ده طبان طبانه ضد بر معناده قوللا-  
 نلدينى و فارسيدن غلط اوله رق آلتوب باشى بوش

معناسنه استعمال اولنان « سربست » لفظ مرکبی  
 غلط اندر غلط اولمق اوزرد [۰] بر معناده استعمال  
 ایدلدیگی گوزیلور و آکا گورد اظهار معلوماته  
 قالدیشلور ایسه فنا ایدلماش اولور .

— ۶ —

مقدمة العلامی یعنی عبدالرحمن ثریا افندی شوکا  
 بوکا خطا ایدیورسکزر دیه طاقیلوبده کندوسنک  
 خطالرینی گورمامسی و مکاتب رشدیه دن چیقان  
 چوجقلرک بیله یایمه جنی خطالردده بولنسی و لسانک  
 اصلاحندن بحث ایدرکن « فارسیجه » گبی سوزلر  
 سویلسی طوغریسی « تجره ..... » مثالنه نمونه  
 اولمق دیمک و سفسطه ایله خالقک گوزینی بویامغه  
 غیرت ایلکدر .

زیرا : هرکس بیلورکه عربی، ترکی، فارسی  
 استارینک آخزلرنده بولنان یا یای نسبی اولوب براینجی  
 نسبت اوله رق « جه » گتیریلور و عربجه، ترکیجه  
 و فرسیجه یرینه عربجه، ترکیجه، و فرسیجه دینور ایسه  
 « باب هایون قپوسی » دیمک قدر صایقه انش اولور .  
 بلکه « باب هایون » دیه قپویه دینوبده قپونک قنادلری

[\*] بعض ذوات سربستک اصافی « سرباز » اواق

اوزرد قبول ایتشیلردر . [ مؤلفه ]

مراديله « باب هياون قپوسى » ديك جائز اولور ايسه ده « فارسجه » ايجون برتاويل بولنه ميه جغندن حقيقت صاحجه نئمش اولور .

عبدالرحمن ثريا افندى برده فرانسز لسانى تقليداً « اماتۀ ازمان » دييور .

واقعا فرانسز لر « Tuer le temps » ديه اماتۀ ازمان دييور لر ايسه ده اماتۀ ازمان دييور لر . بشقه لرى يا گئش اوليه رق برشيئى تقليد ايتديمى - بوكي نازينلر - قيامت لر قوپار دييور لر . وَاللّٰهُ كَوْنُهُ كى چوني گوروب گندى گوزلر نندكى مرئى كى گورم ديور لر . حال بوكه ائ طوغريسى انسانلر زمانى اماتۀ ايتيوب بالهكس زمان انسانلرى اماتۀ ايد دييور .

مدحت افندى حضرتلرى ده بزده بشقه معناده مستعمل « Sang froid » صغوق قانى ، تمكين يرنده « سرين قان » ديه ترجمه واستعمال ايدرك صغوق قاناياق ايد ديور لر . حال بوكه بومعنايى كال بك افندى لسانمرك شيو سئنه موافق اوله رق « اعتيدال دم » تعبيريله ادا ايد ديور لر .

بعضيلريده ينه فرانسزجه دن آلهرق :

« برطرفدن خرص شان و برطرفدن خوف جان »  
« مصره استيلا ايدن عسكركهم آغلر هم گولر »

« . . . . »

بیور بیورلر و برملکتی استیلا یرینه برملکتیه استیلا  
یا زیورلر . غریب شی !

هله مزیت عذیه و ( بهرء ادبیه ) لری گرك  
دوست و گركسه دشمنلری طرفندن تسایم ایدیلان  
اکرم بك افندی حضرتلری :

گرچه عالم بتون فنایه قرین ،

ایکی شیدر فقط زوالی خزین :

بری صولمش شکوفه در بارز ،

یانه در دیگری ورم برقر !

« زمزمه »

بیور مشلر ایسته ده « بارز » ك « قیز » ایله هم  
قافیه اولسی مقبول اوله مامسندن قطع نظر « ورم .  
برقز » دیمك قاعده جائز اولمديغندن یا « ورملی برقز »  
یا خود . « متورم برقز » دیملی ایدیلر .

وزن ایچون اختیار ایلدی بیوریلور ایسه حبسندن  
قاچار ایکن شابقه کیمك قیلندن اوله جغنی من غیر حد  
عرض ایدرز . زیرا : حبسندن قاچه حکومه ، شابقه  
کیمه جناب حقه قارشو عصیاندر .

فارسی ادات ایله عربی کلمه لرك ترکیبی جائز  
اولمديغی یولنده ایدیلان ادعالد قارشو دكل فارسی  
ادات ایله « کچه » گبی عربی کلمه لر فارسی ادات  
ایله ترکی کلمه لر ترکیب ایلدیکی و اوصورتله ادبامز



«  
 الك مشهور لری طرفندن « بالچین » وکذا وکذا  
 دینلدیکی و بونک دخی « بالق » لغت ترکیه سیله کله  
 فرسندن اولان « چین » دن ترکیب ایدلدیکی  
 گوریلور و بوگا مائل سائر شیار دخی نظر مطالعه یه  
 آلنور ایسه بعضارک ظناری گی لسانمزک اصلاحی  
 پک قولای اولدیغی ظاهر و یوباید خیلجه عمیق  
 فکر ایدمک لزومی باهر اولور .

﴿ زعمجه اولور هرکشینک رد و قبولی ﴾

- ۱ -

اوارالق زیاده لشن غوغای ادبی اوزرینه احبادن  
 بری که ادبیات عتیقه یی سور ، عمری ایسه ترکیبیلر  
 و اوچی زاده لر مطالعه سیله کچر :

« ادبادن کچینان بر ایکی دیوانه حریف »  
 « قالقدیلر ایلدیلمر ( قوجه ) لسانی تحریف »

دیه بریت سولیش و سوزینی بزه دخی تسایم  
 ایتدیرمک ایستمش ایسه ده بزنه بو قدر ادبیات عتیقه  
 مراقایسی ونه ده قرالدن زیاده قرال طرفایسی اولدیغمزدن  
 بونک قبولی تجویز ایتیوب لسانمزک اصلاحی حقنددیکی  
 مطالعات عاجزانه مزی کندوسنه بیان و مطالعاتمزی  
 تصویب بیورد قلمزدن ایچون عرض شکران و بناء

عليه تشويقارينه اغتراراً مطالعات مجوٲ غنہائی نشر  
ایده جکمزی ده علاوۃ درمیان ایلدک .

اشته هم او وعدی ایفا و همدہ وجہ دانمزه  
قارشی اولان وظیفہ مزی اجرا ضمنندہ عرض  
مافی البالہ شویله شروع ایلرز :

-۴۵ ۲ ۵۱-

هرقنغی برلسانی اولورسه اولسون تحصیل ایتک  
ایچون (صرفه) وَ طوغری یازدیتک ایچون (بلاغته)  
اشد احتیاج ایله لزوم واردر: انسانک اویقویه اولان  
احتیاجی گبی (صرفه) وَ رؤیایه اولان مجبوریتی گبی  
(بلاغته) احتیاجی واردر . بناءً علیه انسان هرکجه  
اویودیغی ایچون صرفی اویقویه وَ بعض کرده رؤیا  
گوردیکی ایچون بلاغتی رؤیایه تشبیهدہ خطا ایتماش  
اولورز .

اشته ملل متمدنه گبی بزم بلاغتمز یوق ایسه  
صرفمز وار دینور وَ بوکامثال اولهرق «قواعد عثمانیه»  
وَ «مدخل قواعد» وَ سائرہ کتیریلور ایسه خطا  
ایدنش اولور. چونکه: قواعد عثمانیه وَ مدخل قواعد  
وَ سائرہ صرف اولیوب شونک بونک اجتہادیدر .  
شونک بونک اجتہادینی افکار عمومیه ظن ایدوب  
آکا صرف دیمک خطا وَ بناءً علیه «قواعد عثمانیه»

« بلاغت عثمانیه » نك صرف و بلاغت اولمديغی  
 گي صرف و بلاغت ترکیه دخی اولمديغی رونما اولوز .  
 كـرچه عربلرك تدقیقات شعریهلری مکمل  
 اولدیغندن طولایي بلا محاکمه قبوله مهیا ایسه کده  
 لسان ایچون برگونه مجبور یتمز اولیوب « اطلب العلم  
 ولو بالصین » امر نبویسنه اتباعاً هر زرده لسانمزه  
 الویرر برشی بولور ایسهك آور و اقتضا ایتدیگی  
 وقت هم قواعدمزی فرنكلرك قواعدینه تطبیق  
 ایدرك و همده عربلردن اقتباس علم و معرفت ایليرك  
 لسانمزی اصلاح ایتمش اولوز . بو ایسه فرنكلری  
 تقلید دگلدیر . چونكه : فرنكلر عربدن کله آلقاه  
 هیچ بروقت عرب اولمديلر .

عربلری براقوبده فرنكلره می اقتدا ایدلم ؟  
 سوزینه گلجه : بزم سوزمزا ولسون ادعاسنده اولان  
 نازليرك گندی قولارینی ترویج ایچون دوشونوب  
 میدانه قویقلری تزویراقی ديمك ایدوکی جهتیه  
 قولاق بیله آصمغه دگمز . علوم و فنون یونانییهنی سوریهده  
 بولنان یهودیلر عربییه نقل و ترجمه ایتمشلر و نهرومجهنی  
 و نهده عربجهنی ایویلمدكلرندن بونلری قارمه قاریشق  
 ایتشلردر . عنی الخصوص البیوك یا گاش اولق اوزره  
 اصول تفکر معناسنه اولان «logique» لفظنی «منطق»

وہ ترجمہ ایتھلر وعر بلردہ بیلہ رک بو یا گلشانی قبول ایتھلردر .

هر خطا اتمہ ده توليد خطا قاعده سنجه « بيان و بديع و معانی » فنارینک مجموعنی شامل اولوق اوزده معانی « rhétorique » دنیلان فنی منطق لفظی گبی گوزل بر ماصدقن محروم بر آغهرق « بلاغت » لفظی گبی یا گلش بر نام ایله توسیم ایتھلردر .

اگر بزده عر بلرک عمداً ایتھ اولدقیری خطیائی قصداً قبول ایدر و بونک ایله اصلاح لسانه سعی ایلر ایسهک عکسنی یا بئش اولدجغمز ایضاحات مسروده دن مستبان اولور .

### ۳

عر بلردہ سوء استعمال ایدی لان شیلر یالکز بونلر اولیوب برده فن اشتقاق « Etymologie » سوء استعمال ایدلمشدر. گرچه بزم علمانک چوغی فن اشتقاقی [قال] اصاندن [قول] ایدی دن عبارت بیلور لر ایسه ده فن اشتقاقک بو اولیوب هر قننی برکله مک قننی لساندن آلندیغی و آلندیغی لسانده نه معناده استعمال اولندیغی و بر دیگر لساندن آلنیوب یکیدن اختراع اولنش ایسه کیلر طرفندن و نه اسبابه مبنی اختراع ایدلدیکی دیمک ایدوکی اربابی عندنده معلومدر .

اشته اور و پاده کی ایتمولوژیست « Etymologiste »

یعنی مهرهٔ فن اشتقاق عموم السنه ایله توغل وهله  
آلمانیاده بولنان بعض ارباب مراق اڭ زیاده لسان  
عربله تشغل ایلیوب کچنده دخی « سبیل » لغتک  
اصلی بولمشلردر . شویله که : سبیل لغتک اصلی  
عبرانی و سریانی اولوب اشبو اسم سریانی و عبرانیده  
آرو آرو ایکی شیئی افاده ایدن « سه » ایله « بیل »  
کلمه لرندن ترکیب ایتیش مذکور لسانلارد « سه » یولی  
« بیل » ده صوینی تعیین ایتیمکه بولنمشدر .

اگر بزده فلان لغتک اصلی عربیدر ، عربلر بونی  
شویله تلفظ و بویله استعمال ایدیورلردیه ابراهیم  
افندی حضرتاری گبی عرض معلوماته قالدیشورایسه ک  
یا کاش برشیده بولنمش اولورز . چونکه : بالاده کی  
افاداتمزدن آکلاشلدیغی اوزره « اصلی عربیدر »  
دیدیکمز لغتک دخی بر اصلی اولوب آنک نه اولدیغی  
عربلر دخی بیلزلر .



علوم یونانیه یی عربیه نقل ایدن یهودیلر ایدوگی  
بولنده کی افاداتمزک صحتی حقنده عربی الاصل برذات  
طرفندن آلدیغمز معلوماتی بروجه آتی درج ایلرز :

« حکمت عربیه یه حکمت یونانیه نڭ فرس وهند  
فکر فلسفیلری داخل اولدینی حالده ما بعدی


→ ..... ←  
 دینه بیلور . باشلیجه آمونیوس و پلوتینوس  
 و پورفریوس و یا ملیخوس و سائرلرینک حضرت  
 عیسا دن ایکی یوز بوقدر سنه صکره اسکندریه ده  
 تاسیس ایتدکاری اصول فلسفه ایله افلاطونک افکار  
 و ذهابه خیاجه مماشات ایتدکاری جهته افلاطونیون  
 اصول فلسفه جدیدسی عنوانیله مشهور اولوب حکمت  
 یونانیه نك ید عرب به کچمسنه واسطه عد اولنیور .  
 و بونلرک ترجمه لری یهودیلر طرفدن ایدلدیگی روایت  
 قانیور . »

« افلاطون و توابی و خصوصیه آریسطوتلیس  
 ( آرسطاتالیس طوغری دکدر ) ک آثاری یهودیلر  
 طرفدن سوریه و اسپانیاده عربی و عبرانی لسانلرینه  
 نقل و ترجمه ایدلمشدر . »

« بغداد ، قاهره ، تونس ، قوردوده ، ( قرطبه ) طولیده  
 و غیریناده مکتبلرنده ایپوقراطیس : ( بقراط ) پلاتون ،  
 ( افلاطون ) آریسطوتالیس و اسکندریون مؤلفاتی  
 ترجمه لری اوقوتدیریلور ایدی . عربلردن معتزلین  
 و متکلمین و سائرلری و قرائط یهودیلرندن آنان بن  
 داؤد و سعاد بن یوسف الفیومی گبی برطاق متجربین  
 علم معلومات مکمله لرینی آریسطوتالیسک قواعد  
 منطیقه سیله افلاطون و اسکندریونک نظریاتنه  
 تطبیق ایله بعض اختراعاتده بولمشلردر . »



بالاده ذکرى سبق ایدن پورفیر یوسک ترتیب  
 وتالیف ایلدیگی ایساغوی نام کتابک ماخذی  
 آریسطوتلیسک اورغانون ( آلت دیمکدر ) نام کتابیدر.  
 « الیوم مکاتب عالیاده تعلیم وتدریس ایدیلان  
 ایساغوجی ( مدخل معناسنه در ) بوندن ماخوذدر .  
 صکره لری علوی . اموی . اسماعیلی ، فاطمی ، درزی لرایله  
 حشاشین میانه لرنده ظهور ایدوب فاسفده ید طولاسی  
 اولنلردن باشقه یهودی الاصل اولان ابن جبیر ول  
 اون برنجی عصرده سراغوسته ده وقوردوه یهودیارندن  
 میمونى قوردوده تولد ایدوب شهرت آلمش و کړك  
 عمریده وکړك عبرانیده بعض آثار تالیف وبولسانلره  
 بعض رسائل ترجمه ایشلردر . »



هر شیئک مبدائی اعمیم معارفه و معارفک اعمیمی  
 ایسه وسائط تسهیلیه نک وجودینه منوط اولدیغندن و  
 لسانمژك اصلاحی دخی درجه وجودیه بولندیغندن  
 بونک سرعت اصلاحی ایچون یاپیاه بیاه جک شیلرک اڭ  
 برنجیسی بر انجمن دانش تشکیلیدر . حتی بونکته یه  
 مقدما دقت اولمش و گرچه بر انجمن دانش تشکیل  
 قلمش ایسه ده مذکور انجمن دانش اولمقدن

ز یاده انجمن الفت و محبت اولمش و ببناءً عالیہ ضروری  
دوام ایدہ مامشدر .

انجمن دانش شورای دولت طرز نجه دوائر  
منقسم اولمی و اوقات معینہ دہ عمومأ اجتماع ایدملیدر .  
اصل اهمیت ویریلہ جک شی انجمن دانشہ اعضا  
انتخابندہ اولوب انجمن مذکور اعضا لغی مناصب  
تشریفاتیدن عد ایتیموب بحق اهل اولنلری انتخاب  
ایلمیدر .

انجمن دانش تشکیل اولنقی دیمک انجمنک  
قرارینی لایتغیر عد ایتیمک و برنظامہ تابع اولمق دیمک  
اولیوب یوز بیکلرجه خالقدن عبارت اولان حکمہ  
عمومیہ ہر بار ہونک قرارینی استیناف و تمیز ایدہ یلملی  
و حقلی اعتراضلر ، انتقادلر ایدملیدر .

عر ہلر دوه قوللانیر دہ بزده شمنہ دوفر یامغی  
و ببناءً عالیہ آنک ایلہ سیاحت ایتیمگی براغوبدہ دوه  
ایلہ سیاحتہ قالماملی و سودکاریمزک یناقلرندہ اولان  
« بنی » چولده دودنک یستہلہ مش اولدیغی ترسہ تشبیہ  
ایتماملی یز .

والحاصل حسن نیت ایلہ لسانمزک اصلاحنہ  
چاشملی یز .

ایکنجیمی ایسہ تنسیق مکاتبدر . بزده بوگون

مکتبہ لک حالی پک فنا و اصلاحی لزومی ہر حالہ  
 ہویدادر . بوگون ہرقنغی بر مکتبہ گیدیلوب گزاسہ  
 او مکتبک مکتب اولمقدن زیادہ مأمورلری ایچون  
 بر تاجخانہ و طلبہ سی ایچون ایسہ بر کاشانہ ایدوگنہ  
 قناعت حاصل اولور .


اک زیادہ موجب تأسف اولہ جق شی مکتبہ لک  
 هیچ برندہ بر پروغرام اولما مسیدر . مثلاً : بوگون اک منتظم  
 ظن ایلدیگمز مکتب سلطانینک پروغرامی کندی  
 زینہ - مرزور زمان ایلہ - بر طاقم تغیراتہ اوغرا -  
 مشدرکہ بوگون او پروغرامک اسکی پروغرام اولدیغنہ  
 کمسہ اینانہ ماز . مکاتب پروغراملری ہر سنے نظر  
 مطالعہ و معاینہ آلغلی و ایجابندہ دکشدیریلوب  
 یگیدن تنظیم ایدلملی . مکتبک بو حالی معارف نظارت  
 جلیلہ سی دخی ایو بولمادیغی حالہ حالا بر بیوک ہمت  
 صاور میور . [۵]

[\*] شو اثر بر خیلی زمان مقدم قلمد آئیش اولدیغندن  
 و معارف ناظر معالیمظاہری دولتلو منیف پاشا حضرتلری  
 تعمیم معارف و اصلاح مکاتب ایلہ مشغول بولندیغندن  
 بالادہ کی افاداتمزدن شو زمان ایچون معارف نظارت جلیلہ سنہ  
 بر تعریض آکلا شمامی خاصۃً اخطار اولور .

مکاتب عالیہ لر تقدیر منتظم اولسہ بونلرہ مخرج  
 اولان مکاتب ابتدائیه ورشدیہ لر یولندہ اولمدقہ  
 اومکاتب عالیہ دن ایدیلہ جک استفادہ لر ایدلمز  
 وچوقلاریمزده برشی اوگرتمز .

لیس للانسان الاماسعی

تم





PL

175

C42C3

1886